

六典通考



六集同本



六典通考卷六十六

湖西閻鎮珩輯

民政考

歷代賦稅

宋歲賦五曰公田曰民田曰城郭

宅稅地稅

曰丁口

身丁錢米之類

曰雜

變

牛革蠶絲之類隨所出變而輸之

歲賦之物四曰穀曰帛曰金鐵曰物產

自五代時視墾田定租吏緣爲姦稅不均太祖卽位詔民闢

土州縣毋得檢括止以覓佃爲額諸道受民租調有增羨者

輒得罪多入民租者棄市諸州稅籍錄事參軍按視判官振

舉形勢戶立別籍通判掌督之夏稅正月一日秋稅四月一

日竝限四十五日畢其田蠶早晚不同臨時奏裁河北河東

諸州秋稅多輸邊郡常限外更加一月江南兩浙荆湖廣南

福建土多秔稻須霜降成實十月一日始收租

文獻通考開寶八年詔輸

稅絀絹不滿疋者許計丈尺納價錢毋得以三五戶聚合成疋又詔中國租二十石輸牛革一準千錢西川尙存偽制牛驢死者革盡輸官宜蠲去之民租

太平興國二年江南轉運

使言本路蠶桑少而金價頗低金上等舊估二十千今請估

八千絹上等估匹一千今請估一千三百餘以次增損從之

咸平三年陳靖爲京畿均田使據元額定稅不增收贖數知

袁州何蒙請以金折本州二稅眞宗曰若是將盡廢農耕矣

不許雍熙初嘗詔荆湖等路民輸丁錢未成丁已入老竝身

有廢疾者免之至大中祥符間又除兩浙福建荆湖廣南舊

輸身丁錢歲凡四十五萬四百貫九年詔諸路支移稅賦許

以粟麥蕎菽折輸凡歲賦穀以石計錢以緡計帛以匹計金銀絲縣以兩計藥秸薪蒸以圍計他物各以其數計至道末總七千八十九萬三千天禧五年總六千四百五十三萬其折變及移輸則視當時所須焉其輸有常處而以有餘補不足則移此輸彼移近輸遠謂之支移其入有常物而一時所須則變而取之使其直輕重相當謂之折變宋初田制不立田畝轉易丁口隱漏故賦入視前代爲薄丁謂嘗言二十稅一者有之三十稅一者有之仁宗卽位首寬畿縣田賦詔三等以下戶毋遠輸河中府同華州請免支移特詔量減天聖時貝州言民析居者例加稅謂之罰稅詔除之凡州縣苛細無名者蠲損甚眾自唐以來田賦外增取他物折爲賦謂之雜變亦謂之沿納官司歲附帳籍竝緣侵擾民以爲患明道中詔

悉除諸名品併爲一物夏秋歲入第分粗細二色百姓使之

州縣賦役有籍歲一置謂之空行簿開年別置謂之實行簿天聖初或言實行簿無用而率民錢爲擾罷之景祐元年侍御史韓瀆言催科簿散亡則耗登之數無從鉤考請復置實行簿詔再閱一造至慶厯中復故時惠州縣賦役之煩詔諸路上其數俾二府既而諫官王素請均定田賦而歐陽修亦大臣合議蠲減

詔二人任之三司亦以爲然於是遣諮蔡州諮首括一縣得田二萬六千九百三十餘頃均其賦於民既而諮言州縣多逃田未可盡括遂罷陝西河東用兵民賦率多支移因增取地里腳錢詔特蠲之又令諸路轉運司支移折變前期半歲榜諭民有未便者聽自言主者裁之皇祐中詔廣西賦布匹爲錢二百有司擅損其價宜令復故州郡災害不上聞故賦

罕得蠲者詔申飭之又損開封諸縣田賦視舊額十之三又
詔諸路折科民賦多以所折復變他物或增取其直重困民
農自今有此州長吏卽時上聞初湖廣開浙歲斂丁身錢米
大中祥符間詔除丁錢而米輸如故至天聖中始并除婺秀
二州丁錢皇祐三年命三司減郴永州桂陽監丁米歲減十
餘萬石漳泉興化亦第損之嘉祐四年命轉運司裁定鄆永
桂陽衡道州所輸丁米及錢絹雜物無業者弛之有業者減
半後雖進丁勿復增取田京知滄州均無棣田蔡挺知博州
十二聊城高唐總萬四千八百四景德中賦入四千九百十
十七而滄州之民不便詔輸如舊六萬九千九百至皇祐中增四百四十一萬八千六百六十
五治平中增一千四百一十七萬九千三百六十四其蠲除

者景德中六百八十二萬九千七百皇祐中三十三萬八千四百五十七治平中一千二百二十九萬八千七百歲以灾害蠲除者不在是焉熙寧八年詔支移二稅於起納前半歲諭民使宿辦時有司往往緩期州縣或令民輸錢謂之折斛錢海南四州軍稅籍殘缺吏多增損移入他戶代輸瓊州昌化軍丁稅米歲移輸朱崖軍道遠民以爲苦至元豐三年根括四州軍稅賦舊額存其正數二州丁稅米止令輸錢於朱崖自糴以便民李琮爲淮南轉運副使得逃絕詭名挾佃簿籍不載并闕丁凡四十七萬五千九百有奇正稅并積負凡九十二萬二千二百貫石匹兩有奇三路民被其害而唐州亦增民賦人情騷然哲宗嗣位天下積欠煩多王巖叟爲開

封請隨等第立貫百爲催法乃令十分爲率歲隨夏秋料帶
納一戶爲五年十料之法陝西轉運使呂大忠令農戶支移
斗輸腳錢十八御史劾之下提刑司體量均其輕重之等以
第一第二等戶支移三百里三等四等二百里五等一百里
不願支移而願輸腳價者酌度分三等河東助軍糧草支移
毋得踰三百里災傷五分以上者免折變崇寧二年行增價
折納法支移折變科率配買皆以熙寧法從事民以穀菽物
帛輸積負零稅者聽之大觀二年詔支移以便邊餉內郡罕
用間有移用則賃民以所費多寡自擇故或輸本色於支移
之地或輸腳費於所居之邑而折變之法以納月初旬估中
價準折仍視歲之豐歉以定物之低昂京西舊不支移崇寧

中將漕者令民輸地里腳價歲以爲常腳費斗爲錢五六十比元豐正稅之數而反覆紐折數倍於昔民至鬻牛易產不能繼轉運司用是取辦理之譽言者極論其害政和元年詔應支移而所輸地里腳錢不及斗者免之尋詔五等戶稅不及斗者支移皆免時中官楊戩主後苑作有言汝州可爲稻田因置務掌之號稻田務復行於府畿名公田於是民田有溢於初券步畝者輒使輸公田錢政和末置營繕所亦爲公田久之皆併於西城所凡天荒逃田河隄退灘租稅舉入焉爲田三萬四千三百餘頃民輸公田錢外正稅不復能輸重和元年獻言者曰估豐賤之物俾民輸送折價旣賤輸官必多而州縣吏但計一方所乏不計物之有無責民所無其費

無量至於豪民徙歟就豐齋挾輕貨以賤價輸官其利自倍而貧下戶各免支移佔值既高更益腳費視富戶反重詔申戒焉宣和三年言者謂西蜀初稅錢三百折絹一疋草十圍計錢二十今本路絹不用本色疋折草百五十圍圍估錢百五十稅錢三百輸至二十三千東蜀如之仍支移新邊謂之遠倉民破產者眾七年言者又論非法折變既以絹折錢又以錢折麥以絹較錢錢倍於絹以錢較麥麥倍於錢展轉增加民無所訴帝得奏申禁然有司莫能承其意焉舊租稅加耗轉運司有拋椿明耗州縣有暗椿暗耗諸倉場受納令民輸頭子錢熙寧以後其數益增至是悉罷

陳傅良曰開寶六年令川峽兩稅以

上輸納錢帛貫收七文疋收十文絲縣一兩茶一斤稗草一束若一文頭子錢數始略見於此咸平三年三司權判孫晃

等奏諸夏秋稅斛米收倉耗諸般物色等收頭子錢檢尋不見元定宣勅後唐天成二年戶部奏苗子一布袋令納錢入文三文倉司喫食補襯長興元年見錢每貫七文稗草每束一文盤纏其所收與開寶數同則頭子舊有之康定元年令頭子錢盡納官熙寧二年提舉河北常平廣惠倉皮公弼請今來給納每貫石收五文足則給納並收頭子錢始於此政和四年湖南轉運司奏應給應係省錢物許每貫石定兩各收頭子錢五文專充補助直達綱之費增收錢始於此宣和六年發運判官盧宗原欲於淮浙江湖廣福九路應出納錢物月收頭子錢一文充糴本靖康元年罷紹興五年措置財用所看詳係省錢物每貫收二十三文省十一文作經費起發雜稅出納每貫收見錢上增作二十三文足至紹興十年諸司錢物不復分別每貫收四十三文矣建炎元年詔二稅乾道元年復添收十文足至今為定例

依舊法凡欠租閭賦及應天府夏稅悉蠲之又詔被虜之家

蠲夏秋租稅及科配右諫議大夫黎確言近歲貪吏至與專

多端沮抑不堪畱滯之苦則委之攬納之家民有倍稱之出

官受濫惡之物詔物帛北紕疏濫惡官吏過有抑退者許越
訴紹興元年減大觀稅額三分之一言者論浙西科斂害民

鬻田而償則無受者棄之而遁則質其妻孥利歸貪吏怨歸
陛下願重科斂之罪嚴貪墨之刑詔漕司究實以聞六年詔
淮西殘破州縣免租稅二年是歲兩浙轉運李迥取婺秀湖
州平江府歲計寬贍錢二十二萬八千緡有奇依折帛錢限

起發自是以爲例七年詔新復州軍計佃官田輸租外免輸

正稅

已田謂之稅佃田謂之租舊不併納劉豫并取之至是從舊法

九州蠲新復州軍稅租

及土貢大禮銀絹三年差徭五年初劉豫之僭民間誅圖令
三季輸稅起居舍人程克俊言河南父老苦豫煩苛賦斂及
於絮縷割剝至於菓蔬於是詔新復州縣取劉豫重斂之法
焚之初神武右軍統制張俊乞蠲所置產和買料敷三省言
國家兵革未息陛下哀憫元元俾士大夫及勲戚之家與編

戶等今俊獨得免則當均在餘戶是使民爲俊代輸也今大將不止俊一人使各求免何以拒之望收還前詔從之十五

年戶部議准法輸官物用四鈔

臣僚言四鈔受納親用團印曰戶鈔付人戶收執曰縣鈔

關縣司銷籍曰監鈔納官掌之曰住鈔倉庫藏之今監住二鈔廢不復用而縣司亦不即據鈔銷簿方且藏匿以要賂望申嚴法凡戶縣監住四

鈔皆存畱以備互照

二十三年知池州黃子游言青陽縣

苗七八倍於諸縣因南唐縣爲宋齊邱食邑畝輸三斗後遂

爲額詔減苗稅二分有半租米二分是時兩浙州縣輸繇

稅絹茶絹雜錢米六色皆以市價折錢別科米麥有畝輸四

五斗者京師括田租加於舊湖廣有土戶錢折絕錢醋息錢

麴引錢頻歲復增積逋至二十餘萬緡曹泳爲戶部侍郎責

償甚急蓋自檜再相密諭諸路暗增民稅七八故民力重困

戶部侍郎許興古議今銓曹有知縣令二百餘闕無願就者
緣財賦督迫被罪所以畏避若罷獻羨餘蠲民積欠蠲守
臣戒飭監司則吏稱民安矣詔行之二十九年上聞江西盜
賊謂輔臣曰輕徭薄賦所以息盜乃詔諸路州縣紹興二十
七年以前積欠官錢三百九十七萬餘緡及四等以下官欠
悉除之又詔兩浙江東西水浙東江東西螟其租稅盡蠲之
先是常州宜興縣無稅產丁輸鹽錢二百有墓地者謂之墓
戶經界時均紐正稅又令帶輸丁鹽絹作折帛錢至隆興元
年用知縣姜詔言與晉陵武進無錫三縣隨產均輸二年知
贛州趙公稱以寬贖錢十萬緡代民輸夏稅詔溫台處徽二
稅物帛許以銀折輸數外妄有科折計贓定罪乾道元年蠲

興化軍猶贖米之半自建炎三年本軍秋稅歲餘軍儲外猶贖米二萬四千四百餘石供給福州謂

之猶贖米至八年乃併其半蠲之三年新城知縣耿秉言曩錢氏以進際爲

名虛額太重詔減半七年勅令所脩輸苗乞取法受納官比犯人減一

等州縣長官不覺察與同罪暨上三等及形勢戶逋賦雖遇赦不除八年

蠲紹興府增起苗米四萬九千餘石淳熙四年臣僚言屢敕

蠲積欠以蘇疲民州縣不能仰承德意至變易名色以取之

宜下漕司如除者毋更取詔可五年詔曰耕夫蠶婦終歲勤

勩價賤不足以償其勞郡邑兩稅除折帛折變自有常制當

輸正色者毋以重價強之折錢若有故違重置於法七年夏

大旱知南康軍朱熹應詔上封事言今民間二稅朝廷盡取

供軍州縣無復贏餘於是別立名色巧取今民貧賦重惟有

覈兵籍廣屯田練民兵漸省列屯坐食之兵稍省州郡供軍之數使州縣之力寢紓然後禁其苛斂責其寬恤庶窮民得保生業八年詔監司太守察所部催科不擾者薦之煩擾害民者劾之十一年戶部奏檢放旱傷米數近六十萬石上諭王淮曰若盡覈實恐郡縣懷疑不復檢放唯寧國數最多可令漕司覈實而蠲之紹熙元年臣僚言古者賦出於民不强其所無今之爲絹者一倍折而爲錢再倍折而爲銀銀愈貴錢愈艱得穀愈不可售使民賤糶而貴折則大熟之歲反爲民害願詔州郡多取而多折者重置於法民有糶不售者令常平就糶詔從之

日知錄熙寧中張方平上疏言比年公私上下並苦乏錢又緣青苗助役之法農民皆變轉穀帛輸納見錢錢既難得穀帛益賤人情窘迫謂之錢荒蘇軾亦言免役之害聚斂民財於上而下有錢荒之患